

Siunnersuut: Kalaallit Nunaanni Namminersorlutik Oqartussat Inuk pillugu paasissutissanut inatsimmut Kunngip peqqussutaata Kalaallit Nunaanni atortuulersinneqarnissaa pillugu Inatsisartut aalajangiiffigissagaat.

Pillugu

siunnersuutip aappassaaneerpeqarnerani

Inatsisinut Ataatsimiititaliap

ISUMALIUTISSIISSUTAA

Suliaqarnermi Inatsisinut Ataatsimiititaliap uku inuttarai:

Inatsisartunut ilaasortaq Anders Olsen, Siumut, Siulittaasoq
Inatsisartunut ilaasortaq Iddimanngiiu Bianco, Inuit Ataqaatigiit, Siulittaasup tullia
Inatsisartunut ilaasortaq Michael Rosing, Demokraatit
Inatsisartunut ilaasortaq Laura Tàunâjik, Siumut
Inatsisartunut ilaasortaq Múte B Egede, Inuit Ataqaatigiit

UKA2015-ip ingerlanerani siullermeerutaasumik ulloq 13. oktober 2015 suliarineqareernerani ataatsimiititaliap siunnersuut misissorpaa.

1. Siunnersuutip tunuliaqutaa

Inuk pillugu paasissutissat atorneqartarneranni maleruagassat nutarterneqarnissaannik kissaateqarnermik siunnersuut tunngaveqarpoq. Nalunaarsuisarnermut inatsisit atuuttut¹ ullutsinnut tulluannngitsut Naalakkersuuisiunit nalilerneqarput, taamaattoqarneralu pisortanut inuussutissarsiutinillu ingerlatsisunut, taakku inummut paasissutissanik suliaqarnerannut NemID-millu atuilerniarnerannut unammillernartoqartitsippot, digitaalinnngorsaanerullu atuutsilersinneqarnerata² ingerlateqqinneqarnissaanut, nunatullu isumannaatsutut akuerineqar-nissap suliarineqarnerata aallarnisarneqarnissaanut akornuseeqqallutik.

Danmarki inummut paasissutissat passunneqartarnerannut EU-mit maleruagassiuussaavoq³. Inummut paasissutissat pillugit inatsisip akuersissutigineratigut Danmarki maleruagassanik

¹ Nalunaarsuutit (registerit) privaatit ingerlassaat pillugit inatsit nr. 293, 8. juni 1978-imeersoq, kiisalu naalakkersuisuni pisortat ingerlassaat pillugit inatsit nr. 294, 8. juni 1978-imeersoq

² Naalakkersuisut nuna tamakkerlugu digitalinnngortitsineri periusissiat 2014-2017

³ Inunnut paasissutissat suliarineqarneranni paasissutissallu taamaattut agguasseqatigiissutigineranni inuit ataasiakkaat illersorneqarnissaat pillugu EU-p malittarisassiaa 95/46/EF, 24. oktober 1995-imeersoq

taakkuninnga malinnittussaataalerpoq. EU-mit maleruagassat malillugit (taamatutaaq inummumut paasissutissat pillugit inatsimmi § 27 malillugu) nunamut allamut paasissutissanik aatsaat tunniussisoqarsinnaavoq nunap pineqartup isumannaallisaanikkut qaffasissutsip naammattuunera qularnaarsinnaappagu⁴. (Nunatut allatut paasineqassaaq naalagaaffik EU-mut attuumassuteqanngitsoq⁵). Nunap allap isumannaallisaanikkut qaffasissusia naammannersoq Datatilsynip nalilersugassaraa. EU-mili maleruagassat EU Kommissioni aalajangiisinnaatippaa, qanoq nunat ilaat aalajangersimasut isumannaallisaanikkut naammattumik qaffasissuseqarnerisut taamaalillutillu 'nunatut isumannaatsutut' nalilerneqarsinnaanersut.

2. Siunnersuutip imarisai

Inunnut paasissutissat suliarineqartarnerat pillugu inatsisip inuit pillugit paasissutissat atorneqartarnerat, innuttaasut pisinnaatitaaffii, innuttaasunut nalunaarsorneqarsimasunut tunngatillugu paasissutissiisussaataanerit, paasissutissanik nunanik allanik paarlaasseqateqartarnermut tunngasut, suliffeqarfiit iluini paasissutissat isumannaatsuutinneqarnissaat, paasissutissanik suliaqartut nalunaartussaataanerit aamma suliaasaqarfiup iluani nakkutilliisussaataaneq kiisalu inatsisip unioqqutinneqarnerani taarsissussaataaneq pillagaasinnaatitaanerlu malittarisassiuupai.

Innuttaasut arlalitsigut inatsisikkut pisinnaatitaaffilerneqarput, tassani aamma nammineq pisinnaatitaaffigisat pillugit paasitinneqarnissamut, paasissutissat kukkusut peerneqarnissaanmut, paasissutissat kukkusut takuneqarsinnaajunnaarsinnissaannut imaluunniit iluarsisuteqarfiginissaannut. Kiisalu nalunaarsorneqarsimasoq pillugu paasissutissat atorneqarnerannik nalunaarsorneqarsimasumut paasissutissiisussaataaneq.

Inatsisip inuit pillugit paasissutissat suliarineqarnerisa aallartinneqannginneranni Datatilsynimut tamanna pillugu nalunaarutiginninnissamut pisortat sullissivii, namminersortut aamma eqqartuussiviit pisussaaffilerpai.

Aammattaaq ilisimatusarnermut atatillugu inuit pillugit paasissutissat atorneqarnerat malittarisassiuunneqarpoq, tassani aamma kisitsisit atorlugit paasissutissanik nalunaarsuutinik suliaqarnermut tunngatillugu.

Aammattaaq inuit pillugit paasissutissat atorneqarneranni isumannaatsuutitsinissaq kiisalu IT-eqarnikkut systemit aaqqissuussaanerisa inatsimmit tunngaveqarnissaat malittarisassiuunneqarput.

Inunnut paasissutissat pillugu inatsisip Kalaallit Nunaannut atuutsilerneqarnera pillugu peqqussutissatut missingiut inunnut qarasaasiakkut paasissutissat pillugit danskit inatsisaa-nnut sanilliullugu arlalinnik allaanerussuteqarpoq.

⁴ Tamanna aalajangersimasunut siyumut aalajangersariikkanut arlalinnut tunngatillugu atuutinnigilaq. Tamanna ilaatigut nalunaarsorneqartoq nalunaarsuiffimmit tamanit takusarneqarsinnaasumit nuussinermut akuersisimappat, pinaveersaartitsinerit atatillugu nuussinermut, pinerluuteqarsimanermik paasiniaanerit malitseqartitsinerimullu atatillugu nuussinermut, inuiaqatigiillu soqutigisaasa illersorneqarnissaat eqqarsaatigalugu nuussinermut tunngatillugu atuutinnigilaq.

⁵ Imaluunniit Europamiut aningaasaqarnikkut suleqatigiiffianmut (EØS-imut) (Norge, Island kiisalu Liechtenstein)

Peqqussutissat missingiutikkuttaaq ilaatigut siunniunneqarpoq, peqqussut – Danmarkimi inunnut paasissutissat pillugit inatsisip akerlianik – Kalaallit Nunaanni inunnut paasissutissanik eqqartuussiviit suliarinnittarnerannut atuutissanngitsoq.

3. Tusarniaanermut akissutit

Ataatsimiititaliap siunnersuummik suliaqarnerminut atatillugu, aalajangiiffigisassatut siunnersuutip tamanut tusarniaassutigineqarnerani akissutigineqarsimasut misissorpai.

Tusarniaanermut akissutitut tunngatillugu oqaatigineqassaaq, tusarniaanermut akissuteqartunit aalajangiiffigisassatut siunnersuummut isummersuutit assigiinngiaartut.

Inatsisit atuuttut nutarterneqarnissaannik kissaateqarneq akissuteqartunit arlalinnit ersersinneqarpoq. Taamaattorli arlallit oqaatigaat inatsisip ilutsimisut iluseqartillugu atortuulersinneqarnissaa isumaliornartoqartillugu. Tassunga atatillugu ilaatigut maleruagassanik EU-mit aallaavilinnik Kalaallit Nunaannut atuutsilersitsinerup qanoq siunertamut pitsaatiginera apeqquserneqarpoq, tamanna taamaaliornerup qanoq siunertamut tulluartinera misissoqqaartinnagu.

Tusarniaanermut akissuteqartut ilaasa aamma oqaatigaat siunnersuummut tapersiinatik kaammattuutugalugulu sammisamut akisussaaffik angerlaanneqassasoq Savalimmiullu assigalugit namminerisamik tamatumunnga inatsisiliortoqassasoq.

KANUKOKA, kommunit kiisalu Akileraartarnermut Aqutsisoqarfik akissuteqaamminni ersersippaat siunnersuutip aningaasaqarnikkut allaffissornikkullu kingunissai isumakulunnartoqartillugit. Kommunit aamma KANUKOKA-p tassunga atatillugu oqaatigaat annertunerusumik suliakkesutissamut pisinnaasumut tassunga aningaasartuutissanut matussusiisogarnissaa ilimagineqartoq.

Tusarniaanermut akissuteqartut arlallit oqaatigaat siunnersuutip aningaasaqarnikkut allaffissornikkullu kingunissai qanoq annertutiginersut ersernerluttoq. Tassunga atatillugu tusarniaanermut akissuteqartut arlallit aamma ersersippaat Datatilsynip suliassat siunnersuutip nassatarisaanik imminut suliakkiunneqartussat qanoq annertutigisumik naammassisinnaanera qularalugu.

Aamma suliat ingerlanneqartut pillugit nalunaarsuutinik suliaqarnissamik ukiumoortumillu nalunaaruteqartarnissamik siunnersuutikkut Datatilsynimut pisussaaffiliinnginneq, tusarniaanermut akissuteqartunit arlalinnit siunertamut tulluartaunngitsutut nalilerneqarpoq.

4. Inatsisinut Ataatsimiititaliap siunnersuummik suliaqarnera

Ataatsimiititaliaq siunnersuummik suliaqarnerminut atatillugu Aningaasaqarnermut Aatsitassanullu Naalakkersuisumut apeqqutinik arlalinnik ulloq 5. november 2015 nassiussaqqarpoq.

Ataatsimiititaliap apeqqutai Naalakkersuisullu akissutaat ilanngussaq 1-itut 2-tullu ikkunneqarput. Justitsministeriaqarfiup Naalakkersuisunut akissutai 10. novemberimeersut kiisalu 19. Novemberimeersut ilanngussaq 3-tut 4-tullu ikkunneqarput. Tusarniaanermut allakkiaq nutartigaaq peqqussullu ilanngussaq 5-itut 6-itullu ikkunneqarput. 2015-imi § 37 tunngavigalugu apeqquteqaatinut nr. 148-mut 155-imullu Naalakkersuisut tapiliussatut akissutaat ilanngussaq 7-itut ikkunneqarput. Justitsministeriaqarfiup tusarniaanermut akissutai ilaangussaq 8-tut ikkunneqarput. Europamiut inummut paasissutissat illersorneqarnissaat pillugu isumaqatigiissutaannut Kalaallit Nunaata ilanngutsinneqarnissaata pisariaqarnera pillugu Justitsministeriaqarfiup Naalakkersuisunut nassuiaataa ilanngussaq 9-tut ikkunneqarpoq. Naalakkersuisut akissumminnut malitsitut allakkiaat ilanngussaq 10-tut ikkunneqarpoq.

5. Inatsisinut Ataatsimiititaliap aalajangiiffigisassatut siunnersuummut oqaaseqaatai

Ataatsimiititaliap tassunga atatillugu oqaatigissavaa siunnersuut saqqummiunneqartoq ullutsinnut tulluannigitsutut maannangaaq nalilerneqarsinnaalereersoq, tamanna danskit inummut paasissutissat pillugit inatsisaasa maanna allanngortinneqarnerat eqqarsaatigalugu. Tamatumunnga tunuliaqutaavoq EU qanittukkut peqqussummik nutaamik, maannakkut maleruaqqusaasunik taarsiisussamik, akuersissuteqarsimammat. Ilimagineqarpoq sammisami maleruagassat nutaat, ilaatigut "puiugaasinnaatitaanerup" atulersinneqarneratigut, ulluinnarni inuunerup illersugaanerata nukittorsarneqarnera nassatarissagaat.

5.1. Paasisitsiniaanerit:

Innuttaasut peqqusutikkut nutaanik pisinnaatitaaffeqalerput peqatigisaanillu oqartussaasunut suliffeqarfinnullu piumasqaatinik nutaanik atuuttoqalerluni. Inatsit siunertaq malillugu atuutissappat pingaartuuvoq innuttaasut, suliffeqarfiit oqartussaasullu maleruagassat nutaat pillugit paasissutissinneqarnissaat. Apeqqutaalerporli tamatuma qanoq iliorluni isumannaarneqarnissaa.

§ 37 tunngavigalugu apeqquteqaammumut nr. 148/2015-imut akissumminni Naalakkersuisut tamanna pillugu imatut paasissutissiippat:

"Naalakkersuisut paasissutissiissutigisinnaavaat inummut paasissutissat pillugit inatsisip atuutilersinneqarneranut atasumik ilaatigut innuttaasunut kattuffinnullu tunngatitamik paasititsiniaanermik ingerlatsisoqarnissaa pilersaarutiginerqarmat. Inummut paasissutissat pillugit inatsit malillugu innuttaasut pisinnaatitaaffisa paasisitsiniutigineqarnissaat siunertaavoq."

Tusarniaanermulli allakkiami ICC-p tusarniaanermut akissuteqaataanut Digitalinngorsaanermut aqutsisoqarfiup oqaaseqaataani imaattumik ersertoqarpoq:

” Naalakkersuisut isumaqatigisinnaavaat inunnik paasissutissanik suliarinnittarneq pillugu inatsit innuttaasunit ilisimaneqarnissaa pingaaruteqartoq, aamma inatsit naapertorlugu innuttaasut sunik pisinnaatitaaffeqarnerisut. Naalakkersuisulli isumaqatiginngilaat inunnik paasissutissanik suliarinnittarneq pillugu inatsisip atuutilersinneqarnissaa sioqqullugu immikkut paasititsiniaanissaq pisariaqartinneqassasoq.”

Ataatsimiititaliap tamatumunnga malitsitut apeqqutaanut Naalakkersuisut akissutaanni imaattumik erserstoqarpoq:

”Naalakkersuisut pingaamerusutigut isumaqarput naalagaaffimmi oqartussaasut naalagaaffimmi inatsiseqamermit akisussaasutut naalagaaffimmi inatsisinik nutaanik Kalaallit nunaanni atuutilersitsinissaq isumagissallugu pisussaasut. Justitsministeriaqarfiup tamakkununnga atatillugu Naalakkersuisut nalunaarfigai Datatilsynip inatsisip atuutilersinneqarneranut atatillugu ilaatigut paasissutissatut atortussanik assigisaannillu nutserisitsinikkut ataatsimut isigalugu paasissutissiiniarnerup sulissutigineqamissaa aallartissagaa.

Naalakkersuisut sulissutigineqartussat Justitsministeriaqarfimmut oqaloqatiginnissutigereerpaat. Justitsministeriaqarfik paasissutissiiniamermit atortussat saniatigut Kalaallit Nunaanni paasissutissiiniarsinnaalluni Justitsministeriaqarfimmit oqaatiginneqarpoq. Taamaaliomissamut Datatilsyni akisussaasuusaaq. Tamakku pilersaarusioqqissaarnissaat maannakkut Datatilsynip aqqqissuullugu aallartippaa. Naalakkersuisut tamakkununnga atatillugu Datatilsynimut eqqaasitsissutigaa Kalaallit Nunaanni internetimut isersinnaanerup siammarsimanera killeqarmat kissaatigalugulu tamanna eqqaamaneqassasoq paasissutissiiniamerup aqqqissuunneqamerani.

Taamaattoq Naalakkersuisut erseqqissassavaat inunnik paasissutissaateqarfik pillugu inatsimmut, taamatuttaaq ilitersuussisamissamut pisussaaffeqamermit, nalinginnaasumik oqartussaasutut akisussaaffeqameq, naalagaaffimmi oqartussaasunut pisussaaffimmat. Nalunaarsuiffeqameq pillugu inatsisinut tunngatillugu pisussaaffiit atuuttut assigalugit. Naalakkersuisut tunngaviatigut isumaqarput oqartussaasut, suliffeqarfiit innuttaasullu paasissutissinniarneqassasut..”

Inatsiseqarfiup katitigaanerujussua eqqarsaatigalugu Naalakkersuisut inatsisip atuutsinneqalerneranut atatillugu paasitsiniaanissamik pisariaqartitsisoqarneranut isumaqataanerat ataatsimiititaliap nuannaarutigaa. Pisortani immikkoortortat suliffeqarfiillu namminersortut,

inatsit malillugu qanoq pissuseqarnissaminnik ilisimasaqarnissaannut paasisitsiniaaneq naammattumillu ilitersuussineq ikiuutaalluarsinnaapput. Taamatuttaaq innuttaasup pisinnaatitaaffimmi suunerinik ilisimasaqarnissaanik isumannaarinninnermut, inatsisillu unioqqutinneqassappata qanoq iliornissaminik ilisimasaqarnissaanut tapiutaasinnaallutik pingaarutillit.

5.2. Nalunaarsuutit allallu pillugit

Suliat nakkutilliisussaatitaasumut nalunaarutigineqartut pillugit nakkutilliisussaatitaasup (tassa Datatilsynip) nalunaarsuisussaatitaanera, inummut paasissutissat pillugit inatsimmi § 54, imm. 1-ip aalajangersarpaa.

Nalunaarsuiffik ilaatigut suliap sumut tunngasuunera, siunertaa, inuit eqimattat kikkut paasissutissallu suut nalunaarsorneqarneri, kikkut paasissutissanik takunnissinnaatitaanerit, qaqugukkut paasissutissat piarneqarnissaat kiisalu suliarinninnerup isumannaatsuunissaa eqqarsaatigalugu iliuusissat suut aallartinneqarnissaat pillugu paasissutissanik imaqassaaq.

Nalunaarsuiffik tamanit takuneqarsinnaassaaq.

Peqqussummut missingiut aalajangersakkanik inummut paasissutissat pillugit inatsimmi § 54, imm. 1-imik aalajangersarneqartut assinginik aallaaqqaataaniit imaqanngilaq. Taamaalilluni peqqussummut missingiut suliat Kalaallit Nunaanni nalunaarutigineqartut pillugit nalunaarsuutininik Datatilsynip tamanut saqqummiussisussaatitaaneraniq piumasaaqatitaqanngilaq.

Tamatumunnga tunngaviusoq pillugu eqikkaassummi imatut paasissutissiisoqarpoq:

”Tamatumunnga pissutaapput Kalaallit Nunaanni allattugaatit tamanut ammasumik nalunaarutigineqarsinnaanni suliaassat pisariunerat, tamannalu missingiutip tusarniaassutiginerani Datatilsynip uparuarppaa.”

Justitsministeriaqarfiup akissutaani ulloq 19. novemberimeersumi, Datatilsynip oqaaseqaataa 11. april 2011-imeersoq issuaavigineqarpoq:

”Datatilsynip nittartagaani suliarinninnerit nalunaarutigineqarsimasut pillugit nalunaarsuiffimmi tamanut ammasumi Darunarkimi allattuisoqartarpoq. Najoqqutassami allassimavoq nalunaarsuineq kikkunnit tamanit takuneqarsinnaassasoq.

Tamatuma nassatarisaanik suliaassat tunngavigalugit Kalaallit Nunaanni suliarinnittarnerit nalunaarutigineqartartut pillugit allattugaatit tamanut ammasumik takussiarineqartarnissaat pillugu siunnersuutigissavaa Kalaallit Nunaanni allattukkat nakkutilliisut nittartagaanni kikkunnut tamanut tusarliunneqartassanngitsut kisianni-

li qinnuteqaateqarnikkut takutinneqarsinnaassasut, assersuutigalugu nakkutilliisut EDB systemiannit allattugaatinit tigusaqarnikkut.”

Taamaalilluni tamatumunnga una tunuliaqutaatinneqarpoq ”Kalaallit Nunaanni allattugaatit tamanut ammasumik nalunaarutiginiissaanni suliassat pisariunerat”. Pisariuqutaasut taakku suuneri atortussani ataatsimiititaliap tigusimasaani erseqqinnerusumik paasissutissiissutigineqanngillat.

Inuit pisinnaatitaaffiinut ilisimatusarfiup (Institut for Menneskerettigheder) tusarniaanermut akissuteqaammini aalajangernermik taassuminnga allannguinnissaq pillugu isumaliutiginneqqeqqullugu Justitsministeriaqarfik kaammattorpaa.

Naalakkersuisuttaaq isumaqarput Datatilsynip tamanut ammasumik nalunaarsuisussaatainissaanut piunasaqaat peqqussummut ilanngunneqartariaqartoq. Justitsministeriaqarfiup taamatut kissaateqarneq akueraa.

Taamaalilluni ataatsimiititaliap apeqqutaanut Naalakkersuisut akissutaanni imaattumik ersittoqarpoq:

”Justitsministeriaqarfiup akissuteqamermini 19. november 2015-imeersumi suliarninnerit nalunaarutigineqartut allattorsimanissaannut inatsisitigut tunngavissatut inunnik paasissutissaateqarfik pillugu inatsimmi § 54, imm. 1 innersuussutigaa. Taamaakkaluartoq inatsisitigut tunngavissaq taanna peqqussutissamut missingiummi § 53-imi ilanngunneqarsimanngilaq.

Naalakkersuisut isumaqarput taamatut periarfissaqartoqartariaqartoq Justitsministeriaqarfillu piareersimavoq periarfissap taassuma peqqussummut ilanngunneqarnissaanut. Naalisaanermi nutartikkami takuneqarsinnaassaaq aalajangersagaq taanna pissusiviusutigut qanoq paasineqarsinnaassanersoq. Tassunga atatillugu Naalakkersuisut maluginiaqqaat aalajangersakkamik qanoq paasinninnissamut nassuiaat Danmarkimit allaanerusussatut naatsorsuutigineqarsinnaassanngimmat.”

Naalakkersuisut aalajangersakkap oqaasertalerneqarneranut oqaaseqaataat immaqa Datatilsynip siusinnerusukkut oqaaseqaatigisimasaanut, Justitsministeriaqarfiup noverbarip 19-iani akissutaani isuarneqartumut, attuumatillugu isigineqassaaq:

”Nalunaarsuiffik, [...] kikkunnit tamanit takuneqarsinnaassaaq.

Datatilsyni isumaqarpoq inuit pillugit paasissutissanik inatsimmi § 54 imm. 1-imi aalajangersakkami pineqanngitsaq - nakkutilliisoqarfiup nittartagaani – suliarinni-

nnerit nalunaarutigineqarsimasut kikkunnut tamanut takussutissiarineqassasut. Taamaalilluni aamma nalunaarutigisat ullumikkut suussusilersukkat Datatilsynilli nittartagaani taaneqarsimanngitsut, kisiannili qinnuteqamikkut takuneqarsinnaasut.”

Kalaallit Nunaanni suliarinninnerit nalunaarutigineqartut nalunaarsorneqartariaqarnerannut Naalakkersuisut tapersiisinnaanerata ataatsimiititaliamit nuannarineqarpoq. Danmarkimi periuuserineqartoq assigalugu periuseqarnissap ilimagisariaqarneranut ataatsimiititaliaq paasinnippoq, tassalu ataatsimiititaliap paasinninnera malillugu nalunaarutigineqartut amerlanerpaat Datatilsynip nittartagaani takuneqarsinnaassallutik, nalunaarutigineqartulli sammisanut aalajangersimasunut tunngasut ataasiakkaat nalunaarsuutini takuneqarsinnaassanatik aatsaalli immikkut qinnuteqarnikkut tunniunneqarsinnaassallutik – tamanna soorlu Danmarkimi taamaattoq.

5.3 Ukiumoortumik nalunaarut pillugu

Peqqussummut missingiut aalajangersakkanik inummut paasissutissat pillugit inatsimmi § 65-imi aalajangersarneqartut assinginik imaqaanngilaq, tamatuma nassataanik Datatilsynip Kalaallit Nunaanni suliai pillugit immikkut nassuiaasiortoqartassanngilaq.

Ataatsimiititaliap apeqqutaanut Naalakkersuisut akissutaanni imatut ersertoqarpoq:

”Justitsministeriaqarfik 19. november 2015-imeersunik allagaqarluni paasissutissii-voq Kalaallit Nunaannut tunngatillugu pissutsit pisariaqartitsineq malillugu Datatilsynip nalinginnaasumik ukiumoortumik nalunaarusiaanut ilaasassasut. Nalunaarusiortarnermut tassunga inatsisitigut tunngaviusoq danskit inunnik paasissutissaa-teqarneq pillugu inatsisaanni § 65-imi takuneqarsinnaavoq.

Naalakkersuisut tassunga atatillugu maluginiaqqussavaat Naalakkersuisut peqqus-sutissamut missingiutip tusarniaassutigineqarneranut akissumminni oqaatigimma-ssuk danskit inunnik paasissutissaateqarneq pillugu inatsisaanni § 65 peqqussummut ilanngunneqartariaqartoq.”

Justitsministeriaqarfiup akissutaanni 19. novemberimeersumi imaatut allassimasoqarpoq:

” Datatilsynip Kalaallit Nunaanni suliaqarnera - massakkutut – nalunaarusiami nakkutillisoqarfiup ukiut tamaasa suliarisartagaani naleqquttumik annertussu-seqartillugit oqaatigineqartassapput. Inuit pillugit paasissutissanik inatsisip atuutilersinneqareerneratigut Kalaallit Nunaanni kisitsisitigut naatsorsukkat qanoq

illugit saqqummersinneqartarnissaat suli isummerfigineqanngilaq, matumani ilanngullugu nakkutilliisoqarfiup journalplaniini naatsorsoqqissaakkat tunngavigisaanni allannguisoqartariaqarnerseq.”

Ataatsimiititaliattaq nuannersutut isigaa Datatilsynip ukiumoortumik nalunaarummik saqqummiussisalernissamut pisussaaffilerneqarnissaa pillugu Naalackersuisut tapersersuimmata. Inatsimmik suliffeqarfiit Namminersorlutik Oqartussanit danskillu naalagaaffiannit malittarisassiuunneqartut pineqarnerat tunngavigalugu ukiumoortumik nalunaarutip Folketingimut aamma Inatsisartunut saqqummiunneqartarnissaat pissusissamisoornerpaatut ataatsimiititaliamit nalilerneqarpoq.

5.4. Siunnersuutip Kalaallit Nunaanni eqqartuussivinnut attuumassuteqarnera:

Peqqussutip eqqartuussivinnut atuunnissaa peqqussummut missingiummit siunniunneqanngilaq – tamanna Danmarkimi inummut paasisutissat pillugit inatsimmit pinnani. Tamatumunnga tunngavittut ajornartorsiutit arlallit oqaatigineqarput.

Taamaalilluni Eqqartuussiveqarnermut Aqutsisoqarfiup tusarniaanermut akissutaani ilaatigut imatut allassimasooqarpoq:

”Eqqartuussiveqarfimmilli eqqartueqateqarnerput tunngavigalugu paasinarsisipparput [...] inunnut paasisutissat suliarineqartarnerannut inatsisip atuutilersinneqarnissaaanut pisariaqartinneqassasoq suli at suliarineqartarnerannut atatillugu arlalippassuartigut allannguinissaq, aamma eqqartuussiveqarnerup IT-qarnikkut videokkullu attaveqaatitigut atortuinut tunngatillugu. Eqqartuussiveqarfik paasititsivoq, unammilligassat taakku annikinnerulinngitsut inunnut paasisutissat suliarineqartarnerannut inatsimmi piumasarineqartunik inuiaqatigiit qanoq eqqortitsitigisinnaaner at nalorninarmat..”

Inuit pisinnaatitaaffiinut ilisimatusarfiup (Institut for Menneskerettigheder) tusarniaanermut akissuteqaammini Justitsministeriaqarfik kaammattorsimavaa peqqussutip Kalaallit Nunaanni eqqartuussivinnut atuutinnginnissaa pillugu aalajangerneq isumaliutigeqqeqqullugu.

Ataatsimiititaliap paasisinnaavaa inummut paasisutissat pillugit inatsimmik Kalaallit Nunaanni eqqartuussivinnut atuutsilersitsinerup nassatarisinnaammagu, eqqartuussiviit sulianik ingerlatseriaasiminnik, qarasaasiarsornermut videolu atorlugu attaveqarnermut atortulersuutiminnik assigiinngitsorpasuatigut allanngortitsisariaqarnissaat. Mannali suliassamik suli pisariunerulersitsisussa q ataatimiititaliap uparuagassaqqitsippaa, Datatilsynip inatsisitigut tunngaviit assigiinngitsut pingasut nakkutigisassarilissammagit, tassalu siullertut danskit inummut paasisutissat pillugit inatsisaat, aappaattut Kalaallit

Nunaanni inummut paasissutissat pillugit inatsit nutaaq kiisalu nalunaarsuutit pillugit inatsisit maanna atuuttut kalaallillu Nunaannut atuutiinnartussaasut.

5.5. Siunnersuutip aningaasaqarnikkut allaffissornikkullu kingunerisassai:

Ilimagineqarpoq siunnersuutip nassatarisanik Datatilsynip suliassai sunniutilimmik annertusisussaasut. Taamaalilluni Justitsministeriaqarfiup akissutaani 19. novemberimeersumi imatut paasissutissiisoqarpoq:

”Datatilsynip uppernarsarsinnaavaa inuit pillugit paasissutissanik Kalaallit Nunaanni inatsisip atuutilersinneqarneratigut nakkutilliisoqarfiup suliassaasa annertusi-ngaatsiarnissaat nakkutilliisoqarfiup naatsorsuutigaa.

Tamatumunnga ilaatigut pissutaavoq inuit pillugit paasissutissanik inatsit ullumikkut nalunaarsuisarneq pillugu inatsiseqartitsinermit atuuffissaa annertunerusimassasoq (assersuutigalugu ilisimatusarnemut), inuit pillugit paasissutissanik inatsit nalunaarsuisameq akuersissuteqartarnerlu pillugit suli annertunerujussuamik pisussaaffeqartitsisoq, inatsiseqartitsinermi susassaqarfinnut killilersukkanut atatillugu killiliinissamik aamma pisinnaasat qulaajarneqarnissaanik apeqqutinik arlalinnik pilersoqarsinnaanera naatsorsuutigineqarpoq (assersuutigalugu peqqinnissaq, tusagassiutit, tuniniaaneq, tele, allagaatinik toqqorsivik, CPR, aningaasalersuineq aamma assiliissutit atorlugit nakkutilliineq) kiisalu peqqussutissatut missingiut Datatilsynip ilisimasaa (missingiut 20. juni 20 12-imeersoq) malillugu kalaallit oqartussaasui pisussaaffilerneqassasut inatsisit tamanut nalinginnaasunik sularineqartarnerannut atatillugu Datatilsynip oqaaseqaateqarnissaanut.

Tamatumunnga peqatigitillugu naatsorsuutigineqassaaq paasissutissat illersorneqarnissaanik susassaqarfik inuit pillugit paasissutissanik inatsisip Kalaallit Nunaanni atuutinneqalerneratigut malinnaanerulersimaneq ilumut pisarialimmik pissutissaqartitsilernersoq, oqartussaasut, suliffeqarfiit aamma Kalaallit Nunaanni innuttaasut apeqquteqaatitigut naammagittaalliuutitigullu saaffiginnissutigisartagaat amerlaneruleratarsinnaasut. Tamatuma saniatigut ataatsimut isigalugu kalaallisut danskisullu nutserisarneq suliassaqarfigineqarnerulissasoq tamakkuninnga suliallit amerlisinnerisigut kiisalu Kalaallit Nunaanni nakkutilliartorluni angalasarnerit amerlanerulissasut...”

.”Inunnut paasissutissat pillugit inatsit Kalaallit Nunaanni atuutinneqalissappat Datatilsynip naatsorsuutigaa nakkutilliisut aningaasaliissuteqartarnissaannut tamatuma qanoq kinguneqarnissaa pillugu Justitsministereqarfimmik oqaloqatiginnittar-nissat aallartinneqassasut.”

Peqqussutip Kalaallit Nunaanni oqartussaasunut tunngatillugu kingunissai pillugit Naalakkersuisut naliliisimapput, peqqussut aningaasaqarnikkut ileqqaaruteqarnermik nassataqassasoq, tamanna ilaatigut nalunaarsuusiortarnissamik piunasaqaatit ilanngunneqanngimmata. Taamaalilluni ataatsimiititaliap apeqqutaanut Naalakkersuisut akissutaanni imatut paasisutissiisoqarpoq:

”Peqqussutissatut siunnersuutip piareersaataasumik suliarineqarneranut atatillugu Naalakkersuisut kommunit qinnuigaat, KANUKOKA suleqatigalugu, Kommunini nalunaarsuiffiit pillugit tunaartarisassat annertussusiat paasiniaqqullugu. Taamaaliortoqarpoq paaserusunneqarmat nalunaarsuinenmut tunaartarisassat suliarineqar-tarnerannut nukissat qanoq annertutigisut atorineqartarnerisut. Digitaliseriinnermut Aqutsisoqarfik qitiusumik allaffissornikkut aqutsisoqarfimmut tunngatillugu taamatut misissuivoq.

Paasisat takutippaat assigiinngitsorpassuartigut oqartussaasut nalunaarsuinnermut tunaartarisassanik suliaqartarsimasut. Taamaammatt atorineqarsinnaasunik paasis-sutissatigut tunngavissarsisoqarsinnaanngilaq taamaaliornikkut aningaasartuu-taasartut nalilersorneqarnissaannut.

Taamatuttaaq Danmarkimi inunnik paasisutissaateqarneq pillugu inatsisip atuuti-lerneratigut allaffissornikkut sipaarutaasunik naliliisarlu misissuisimanernik Dan-markimiit atorineqarsinnaasunik pissarsisoqarsinnaasimannngilaq.

Taamaammatt Naalakkersuisut allaffissornikkut kingunerisaasunik naliliinerat inunnik paasisutissaateqarneq pillugu inatsisikkut oqartussaasut suliaassarilersima-saannik nalunaarsuisarnermut inatsisip atuuttut oqartussaasunut suliakkersuutaa-nerannut sanilliussinnermik tunngaveqarpoq.

Taamaalillutik Naalakkersuisut naliliineriuarpaat nalunaarsuisarnermut tunaartar-isassanik suliarinnittussaataajumaarnermut atatillugu pissutsit arlalippaassuit paasiuminarnerulissasut. Taamatuttaaq inuiaqatigiinni digitaliseriinnerup ingerlaqqi-mera allaffissornikkut ileqqaarutissanut pissutaataajumaarpoq.”

Siunnersuutip allaffissornikkut ileqqaaruteqarnermik nassataqarnissaanik Naalakkersuisut isummernerat ataatsimiititaliamit isummaqatigineqanngilaq, tassami ilimagineqarmat pisortat immikkoortortaqaarfiini suliffeqarfillu namminersortut sulisunut malittarisassiuussineq ilitsersuusiortarnerlu nalunaarsuutip pillugit malittarisassionertulli nukersornartigissagunarmat.

Ataatsimiititaliap paasinninnera malillugu siunnersuut atuutsinneqalissappat maleruagassat nutaat pisortat immikkoortortaqaarfiinit suliffeqarfinillu namminersortunit malinneqarnissaat qularnaarniarlugu ingerlatsinikkut suliaassat annertooujussuussapput. Ataatsimiititaliap tama-tuma saniatigut oqaatigisassaqqitsippaa inatsip atuutsinneqalissappat tamanna ilimagineqar-tutut suliffeqarfimmut suliakkersuutaassaaq, tamatumunngali nukissanik qulakkeerisoqarani.

5.6. Datatilsynip nakkutilliinera:

Peqqussummut missingiummi § 57-mit aalajangersarneqarpoq; inatsit aamma malittarisassat inatsit manna naapertorlugu aalajangersarneqartut malillugit suliarinnineq ingerlaneqarnersoq Datatilsynip nammineq piumassutsini malillugu nalunaarsorneqartulluunniit naammagittaalliuuteqarneratigut nakkutigissavaa.

Datatilsyni paasissutissamik sumilluunniit ingerlataminut pingaaruteqartumik, tassunga ilanngullugu pissuseq inatsimmi aalajangersakkanut ilaanersoq pillugu aalajangiinissamut pingaaruteqartumik paasissutissinneqarnissaminik piumasaqarsinnaavoq, ininullu tamanut pisortat ingerlatsiviat sinnerlugu suliarinniffiusunut, aqutsiviusunut imaluunniit paasissutissanik suliarinninnermut atorneqartunik pissarsiviusinnaasunut aamma ininut paasissutissanik uninngatitsiviusunut atuiffiusunulluunniit eqqartuussivik aalajangiiseqqaarnagu sukkulluunniit isersinnaatitaalluni (§61).

Nalunaarsuutit pillugit inatsisini atuuttuni aalajangersakkat assingusut ilaapput. Nakkutilliarlorlunili tikeraarnerit / misissuiartornerit ikissimaqaat. Justitsministeriaqarfiup akissutaani 19. novemberimeersumi imatut paasissutissiisoqarpoq:

” Oqaatigineqartoq Datatilsynip imatut paasivaa, tassalu ukiuni kingullerni tallimani Kalaallit Nunaanni nakkutilliisarsimaniviit qanoq ingerlanneqarsimamnersut. Datatilsynip oqaatigisinnavaa Nuummi pisortat oqartussaaffeqarfiini arfineq marloriarluni nakkutilliisoqarfik nakkutilliisarsimasoq november 2013-imi.”

”Inunmut paasissutissat pillugit inatsisip Kalaallit Nunaanni atuutilersinneqarnissaanut inaarutaasumik aalajangiisoqarnissaa Datatilsynip utaqqimaarpaa, tamanna tunngavigalugu Kalaallit Nunaanni siumut isigisumik nakkutilliinissamik suliniutit suli pilersinnagit. Massakkorpiaq Datatilsynip naatsorsuutigaa inatsisitigut tunngavissat nutaat kingunerisaannik nakkutilliisarneq annertusineqassasoq. Taa-maattorli pisumi uani nakkutilliinissami suliassat aallartinneqarnissaanni nakkutilliisut ullumikkorpiaq sulisoqamerata qanoq inissisimanagera apeqqutaassaaq.”

Ukiut kingulliit tallimat ingerlaneranni ataasiaannarluni Nuummi pisortat ingerlatsiviini arfineq marlunni misissuiffiusumik Kalaallit Nunaannut tikeraartoqarsimanagera pillugu ataatsimiititaliamut paasissutissiineq tunngavigalugu, inatsit atuutsinneqalissagaluarpad iliuuseqarnerup malunnaatilimmik annertusitinneqarnissaa ataatsimiititaliap kissaatigalugu oqaatigisariaqarpaa.

5.7. Datatilsynimi sulianik ingerlatsineq:

”Datatilsynip naatsorsuutigaa immersugassat atornerisigut inunmut paasissutissat pillugit inatsit malillugu Kalaallit Nunaanni nalunaarutiginninnerit piumaartut. Datatilsynip isumaliutersuutigiumavaa pissusissamisoornersoq naammagittaalliuutit

tunniuttarneranni immersugassat atugassat aamma suliarineqartassanersut.”

”Datatilsynip naatsorsuutigaa allakkatigut apeqquteqaatit kalaallisuit suliarinissaannut nutserisoqarnissaq qinnuteqaatigineqassasoq. Massakkorpiaq Datatilsynip naatsorsuutiginnilaa oqaatsit atorlugit saaffiginnissutit kalaallisut suliarineqarsinnaassasut.”

”Datatilsynip aammattaaq paasivaa ilaanneeriarluni arlalitsigut piumasaqaatigineqarsinnaasoq saaffiginnissutit akissutillu kalaallisut ingerlanneqarsinnaassasut. Tamatuma massakut atugassarititaasut atorlugit suliarineqarsinnaanera periarfissaqanngitsutut imaluunniit suliarinissaannut Datatilsyni periarfissaqanngilaa, assersuutigalugu nakkutilliisoqarfiup elektronik atorlugu nalunaaruteqariaasiata nalunaarutit kalaallisuit suliarisinnaanngilai aamma taamatut pisinnaalernissaa aaqqisunneqarsinnaanngilaaq saaffiginnissutit taama ittut suliarinissaannut.”

Immersugassat atugaalernissaat isumaliutigineqarnera ataatsimiititaliap isumatusaarnertut isigaa, tassami taakku assersuutigalugu innuttaasut ilitsersuunneqarnissaannut ikiuutaasinnaassagunarmata.

Nutserisoqarnissaq eqqarsaatigalugu unammilligassat eqqarsaatigalugit, tamatuma unammillernartuunera ataatsimiititaliap paasilluarsinnaavaa. Ataatsimiititaliilli oqaatigisassaqqitsippaa taamaattoqarnerata ingammik suliffeqarfiit mikinerusut innuttaasullu maleruagassanik paasinnissinnaanerat naammagittaalliummillu tunniussisinnaanerat ajornakusuulersissinnaagaa. Tamanna pingaartumik maleruagassat pillugit paasisitsiniaasoqanngippat atuutissaaq.

5.8. Siunnersuut ataatsimut isigalugu

Siunnersuut nalunaarsuutit pillugit inatsisinut atuuttunut naleqqiullugu annertunerujussuummat, tamanna ilaatigut inummut paasissutissanik nalunaarsuineq pillugu innuttaasunut paasissutissiinissamik siunnersuutip pisortat ingerlatsiviinut suliffeqarfinnullu namminersortunut pisussaaffiliinera tunngavigalugu. Tamanna tunngavigalugu ataatsimiititaliap oqaatigisassaqqitsippaa, pissutsit maannakkutut inneranni pisortat ingerlatsivii suliffeqarfiillu allat piumasaqaatinik sukaterneqartunik naammassinnissinnaanerat ataatsimiititaliap qularimmagu. Ataatsimiititaliattaq isumakuluutigaa ilumut siunnersuutip siunertaa, tassalu nunatut isumannaatsutut akuerineqarnissaq, pissutsit piviusut tunngavigalugit anguneqarsinnaanersoq.

5.9. Periarfissat inummut paasissutissat pillugit inatsisip Kalaallit Nunaannut atuutsinneqalerneranaut taartaasinnaasut

Aningaasaqarnermut Ataatsimiititaliap siusinnerusukku⁶ uparuarsimavaa Kalaallit Nunaannut nalunaarsuutit pillugit inatsisit pisoqalisimasut, danskilli nalunaarsuutit pillugit inatsisaat (inummut paasissutissat pillugit inatsit) annertoorujussuusoq katitigarujussuullunilu (taassuminngalu Kalaallit Nunaannut peqqussutikkut atuutsilersitsinissaq ajornakusoortorujussuusinnaasoq). Aningaasaqarnermut Ataatsimiititaliap tamanna tunngavigalugu allasimavaa, nalunaarsuutit pillugit inatsisit Kalaallit Nunaannut atuukkunnaartinneqarsinnaanerat isumaliutigineqarsinnaasoq.

Naalakkersuisulli aalajangiiffigisassatut siunnersuutip tunngavilersuutaani oqaatigisimavaat, iluarsiineq taamaattoq pitsaasuunngitsut Naalakkersuisunit nalilerneqartoq:

”Naalakkersuisut nalilerpaat nalunaarsuisarnermi inatsisit atuuttut atorunnaarsissallugit naleqquttuunngitsaq, inunnik paasissutissat allatigut inatsisiliuunneqarlutik taarserneqartinnagit. Tamanna pissuteqarpoq Naalakkersuisut paasinninnerat naapertorlugu inunnik paasissutissat suliarineqartarnerat pillugu inatsisit nutarterneqarnissaat pisariaqarmat, Kalaallit Nunaanni digitalinngorsaanermik suliaqarnerup ingerlatiinnarneqarnissaa anguniarlugu, aammalu nunatut isumannaatsutut EU-p ataani akuerineqarnissap qinnuteqaatigineqarnissaata aallartinnissaa eqqarsaatigalugu..”

Inatsisinut Ataatsimiititaliap tamanna tunngavigalugu Naalakkersuisut aperivai, inummut paasissutissat pillugit inatsimmut taarsiullugu atorneqarsinnaasunut allanut tunngatillugu qanoq isumaliuteqarsimanersut.

Naalakkersuisut paasissutissiissutigaat Digitaalinnngorsaanermut Aqutsisoqarfik peqqussummut piareersaateqarnermut atatillugu malittarisassioriaatsinik allanik misissuisimasoq, tassani aamma Norgemi Savalimmiunilu misilittakkanik misissuilluni.

Suliassaqarfimmik angerlaassisinnaanermut tunngatillugu, taamaalillunilu suliassaqarfiup Inatsisartut inatsisaatigut malittarisassiuunneqarsinnaaneranut Naalakkersuisut imatut paasissutissiipput:

”Taamatut aaqiinnikkut iluaqutissat tassaasinnaapput Kalaallit Nunaata nammineerluni tamakkununga tunngasunik malittarisassanik atuutsitsilersinnaanera - taamaaliornikkullu annertunerusumik nammineerluni malittarisassanik aalajangersimasunik ilusilersuinennut sunniteqarsinnaalerluni.

⁶ 2012-imut Aningaasanut Inatsimmut siunnersuummut Aningaasaqarnermut Ataatsimiititaliap isumaliutissiissutaani

*Taamaakkaluartorli taamatut ilusiliinikkut ajoqutaasussat tassaassapput tigusi-
ssaq nakkutilliinermut oqartussaasunik pilersitsinermut ingerlatsinemullu anner-
tuunik aningaasartuuteqarnermik nassataqartussatut nalilerneqarmat. Taamatuttaaq
tamakkununga tunngasunik tiguserup kingunerissavaa inatsisiliomermut nukissa-
nik tigusineq. Naliliisoqarportaaq inatsisinik ingerlaavartumik nutarterinerup
taamatuttaaq kingunerissagaa annertuumik nukissanik atuisoqalemera.”*

Suliassaqarfimmi nalunaarsuutitut / inummut paasissutissanut tunngassutilimmi Kalaallit Nunaannut inatsimmik (danskit inatsisaannik) immikkut ittumik suliaqarsinnaaneq pillugu Naalakkersuisut imatut paasissutissiippat:

*”Naalakkersuisut inunnik paasissutissaateqarneq pillugu inatsisip atuutilersinni-
ssaata suliarineqarneranut atatillugu nalunaarsuiffeqarneq pillugu Kalaallit Nuna-
nnut inatsiseqalernissaanut periarfissanik misissuinngillat.”*

*”Naalakkersuisut isumaqarput Danmarkimi inunnik paasissutissaateqarneq pillugu
inatsit atuuttoq Kalaallit Nunaanni inummut tunngasunik paasissutissat suliarineqar-
tarnerata malittarisassaqtitaaneranut tunngatillugu aaqqiissutissat pitsaanersa-
rigaat. Taamatuttaaq nunatut allatut qularnaateqanngitsutut akuersissuteqartoqar-
sinnaanerata qulakkeerneqarnissaanut.”*

6. Inatsisinut Ataatsimiititaliap inassuteqaataa

Ataatsimiititaliap isumaqatigiittup siunnersuutip akuersissutigineqarnissaa **inassutigaa**.

Ataatsimiititaliali ajornartorsiut tunuliaqutaasoq arajutsisimanngilluinnarpaa: Inummut paasissutissat pillugit inatsit EU-mi maleruagassanit, akuerineqarsinnaalluartunik siunertaqartunit aallaaveqarpoq (paasissutissat atorneqarnerisa kiisalu inummut paasissutissanut tunngatillugu inuit pisinnaatitaaffiisa isumannaatsuunerannik qularnaarisussaq), taannali nunani Kalaallit Nunaattut ittuni pissutsinut tulluarsagaanera ilimagineqarsinnaanngilaq. Taamaalilluni inummut paasissutissat pillugit inatsimmut naapertuisumik Kalaallit Nunaanni pisortat ingerlatsinissartik naammassisinnaannginnissaat annilaanngatigigaluarlugu ataatsimii-titaliap inassuteqaatini saqqummiuppaa. Tassunga atatillugu ataatsimiititaliap takujuma-simagaluarppaa, sammisamat immikkut inatsimmik (danskit inatsisaannik) pilersitsisoqar-sinnaaneramik Naalakkersuisut ujartuisimanissaat, savalimmiormiullu tamatumunnga maleruagassiaannit qanoq annertutigisumik isumassarsiassanik pissarsiniarsinnaanertik pillugu sukumiinerusumik nalilersuillutik. Malittarisassalli maannakkut atuuttut (nalunaarsuutit pillugit inatsisit 1978-imeersut) attatiinneqarsinnaanerannik qularuteqarlutik Naalakkersuisut naliliinerat ataatsimiititaliap tusaatissatut tiguva, taamatullu inummut paasissutissanik Danmarkimut EU-milu nunanut allanut paarlaasseqateqartar-

31. maj 2016

UKA2015/24

UPA2016/24

sinnaanermut nunatut isumannaatsutut Kalaallit Nunaata akuerineqarnissaanut, inummut paasissutissat pillugit inatsimmik peqqussutikkut atuutilersitsinerup pisariinnerpaamik iluarsiiisutaasinnaaneranik.


Ataatsimiititaliilli **kaammattuutigaa** innuttaasunut, suliffeqarfinnut pisortanullu sukumii-sumik paasissutissiinissamik ilitersuussinissamillu pisariaqartitsisoqarnera eqqumaffigineqassasoq.

Ataatsimiititaliattaq maluginiarpaa EU-mi upernaap manna aprilimi inummut paasissutissat pillugit peqqussummik, 2018-imi majimi atuutilersussamik akuersissuteqartoqarsimasoq, tassani ilaatigut paasissutissat innuttaasunut tunngassuteqartut suliffeqarfiit paasissutissanik toqqortaasivianniittut piiarneqartussaataalernerisigut innuttaasunut pisinnaatitaaffiliisoqarluni ("puiugaasinnaatitaaneq"). Ataatsimiititaliap **kaammattuutigaa** EU-mi peqqussutit taassuma nutaap nassataanik Kalaallit Nunaannut unammillernartuusinnaasut, nunamilu maani sammisami inummut paasissutissanut tunngassuteqartumi piffissamut tulluartunik maleruagassiornissap isumannaarneqarnissaa eqqumaffigineqassasut.

Tamatuma peqatigisaanik ataatsimiititaliap Naalakkersuisut kaammattorumavai naleqqussaanernut EU-mut ineriartormullu attuumassuteqartunut atatillugu nunatut isumannaatsutut naleqqussarnissamut EU-mit tapiiffigineqarnissamik qinnuteqarsinnaanermut periarfissat eqqumaffigeqqullugit.

Kiisalu Inatsisinut Ataatsimiititaliap tunngavissaqarsoraa, qarasaasiarsornikkut atortulersuutinik, aningaasaqarnikkut atugassarititaasut ineriartornerannut tulluartumik annertusaaqqullugit, Naalakkersuisut kaammattussallugit.

Inatsisinut Ataatsimiititaliap taamatut oqaaseqarluni siunnersuut aappassaaniigassanngortippaa.



Anders Olsen
Siulittaasoq
Siumut




Laura Tàunâjik
Siumut



Michael Rosing
Demokraatit



Múte B Egede
Inuit Ataqatigiit



Iddimanngiu Bianco
Inuit Ataqatigiit